

cet, maiorem sistere potuissem numerum, si hoc iudicarem necessarium. Commemorabile exemplum est IO. MVSAEI, Theologi Ienensis, filius, IO. CHRISTOPH. MVSAEVS, cui licet SEBAST. NIEMANNVS, & plures, magno Stipendium Schabbelianum studio comparare annisi sint, impedimento tamen videtur fuisse filio, quod patri contradixerit ABRAH. CALOVIVS, inque vltimis Systematis Theologici Tomis quaedam ei opposuerit (\*\*\*\*). Vnde liquet, quod, cum vi voluntatis Schabbelianae caute et circumspicte sint eligendi Stipendii huius alumni, in quos ne minima quidem cadit suspicio, istius etiam memoria religiosum GLOXINIVM subierit. Caeterum spero, fore, vt Lectori non displiceat, quod reddiderim, & auctum quidem, *de Stipendiatis Literariis Nebucadnezaris, Babyloniorum Regis, ad Dan. I. 4. 5. 6. 17. 19. 20. Meletema,* habendae Orationi saeculari praemissum, idque praesertim ideo, quoniam pleniori Stipendii Schabbeliani historiae percipiendae inserviet, quo fine etiam novas quasdam annotationes, ad hodiernos praesertim Stipendiatos spectantes, adieci. Laborem vero, edendo huic *Iubilaeo Schabbeliano Lubecensi* horis subsceivis impensum, vti non sine iucunditate exantlavi, ita LECTOREM INGENVVM prosperrime valere, cupio!

(\*\*\*\*) Extat D. SEBAST. NIEMANNI ad D. ANTON. HENR. GLOXINIVM Epistola, Slesvici d. 27. Iun. 1678. scripta, quae incipit: *Was meinem Hochgeehrten Herrn beliebt, auf mein Intercession-Schreiben wegen Hn. D. JOHANNIS MVSAEI Sohnes, dass er zu dem berühmten Schabbelischen Stipendio mit der Zeit gelangen möchte, großgünstig zu antworten, solches habe ich vor vielen Wochen wol empfangen. Ersehe unter andern darauß, dass einiger scrupul deswegen gemacht werde, dass wolged. Hr. D. MVSAEVS mit Hn. D. CALOVIO in einigen Streit gerathen, & rel.*

ORATIO